



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguenta quomodo à Græcis uocentur, & cur II

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

rato affinitatē habere docet, nam ceratū facit, & uocatur unguentum, cum ait. Quod si nec ea sit ad manum (scilicet libanotis) betæ albæ radix, & cucurbitæ agrestis, & althææ & uitis albæ efficaciter euaporant, ubi suam ipsæ qualitatem uiresq; in oleo aliquo similis facultatis dimiserunt. Quodcumq; uero sic præparatum oleū est, in id si uel ceram solam, uel cum ea resinam iniicere uoles: non solum pulcherimum, sed etiam quod in loco bene hærebit, unguentū facies. ut hinc colligi possit, ceratum ex oleo & cera, & alijs quibusdam additis uocasse unguentum, & si etiam probe in hæreat, unguentum uero multa recipere debere et odorata, Dioscorides testari uidetur in illius partis præfatione, in qua de unguentis acturus est, cum ait. Verum quoniam & unguenta in aliquot malis olfactu aspersione & medicamentis adiecta utilia sunt, exigere rei ordinem existimamus, ut eorum ratio etiam à nobis tradatur, in quorum probatione contemplari oportebit an id ex quo temperatum unguentū fuerit odorem indicet, optimum enim iudicium hoc est, & si in aliquibus seruandum non sit, quod eumcunt sæpenumero quæ uehementiora admixta fuerint, ut in amaracino, crocino, ex fœnu græco, alijsq; quibusdam quæ ex eorum tractatione & usu probanda erunt. SE. Dioscorides igitur ab odore unguenta probat. BRAS. Ob hoc tibi dixi unguenta apud antiquos fuisse odorata.

S E N E X.

II.

A Græcis quomodo uocantur unguenta? BRASA. $\mu\acute{\upsilon}\rho\alpha$. SE. Ita forte uocabantur, quia ex myrrha conficiebant. BRAS. Ita prorsus arbitrantur authores;

n iij tamen

tamē Chrysippus myra uocari putauit, quasi mora hoc
 est fatua, quia post crapulam, & computationes unguen-
 tis uti solebant, nam in secunda mensa cum bellarijs &
 coronis unguenta ferebātur, Lacedemones unguētarios
 urbe eijciebant, ut pote qui oleum corrumpent, nomē
 hoc μύρον idest unguentum primum omnium usurpauit
 Archilochus. & quamuis Homerus de unguentis men-
 tionem faciat, illa tamē uocat olea, Callimachus Veneri
 unguentū tribuit et speculum, Mineruæ oleum, quia illa
 uoluptati, hæc labori præest. Unguento caput delinire,
 antiquus fuit mos, sed à satyris, & à fabulatore repræ-
 hensus, quia odor ascendit, iccirco odor qui supra caput
 est ab eo non sentitur, qui odoramento delinitus est, ob
 hoc alij ut unguentorum suauitatem perciperent barbā
 sibi delinibāt, unde à Dauide Psalmo centesimo trigesi-
 mo secundo decantatum est. Sicut unguentū in capite
 quod descendit in barbam, barbam Aaron. Adde Aristo-
 telem scriptis prodidisse unguentorum usum ad caput
 breui caniciē inducere. S E. Alia ergo sunt illa quæ in
 præsentiarum uocantur unguenta & illa quæ antiqui-
 tus unguenta dicebantur. B R A S. Quis ambigit? nā
 omnia ferē erant odorata, nunc uero fiunt & foetidissima
 unguenta. at nos qui de unguentis tractaturi sumus
 ut nunc in publicis conficiuntur pharmacopolijs, de un-
 guentis recētorum more differemus, unde nemini mirū
 uideri debet, si illa unguēta uocabimus, quæ nunc pub-
 licitus unguenta dicuntur, quanquam aliqua sint cera-
 ta, alia cataplasmata. S E. Hoc ad rem ipsam nihil fac-
 cit, modo in re de qua agitur conueniamus, licet antiqui
 nominibus alijs usi sint, uerum ut edocuiſti, inter empla-
 stra

stra cerata & unguenta haud magna est differentia. BRAS. Audiisti eandem rem paulo molliorem esse unguetum, paulo desior em ceratum, ut Trallianus docuit, et Galenus in quarto de Sanitate tuenda, id quod ceratum est unguetum uocauit, ut prorsus haud magna uideatur esse apud hos authores inter unguentum & ceratum differentia. SE. Quicquid antiqui de unguento senserint a nobis in praesentiarum praetermittatur, cum illa solus pertractaturi simus quae nunc unguenta uocantur, & quae tu cum indicis ungueta uocas, siue redoleant, siue male oleant. BRAS. De his igitur solis agamus, & ab illo incipe quod tibi in mentem uenerit enodando. SE. Schedam accipiam in qua scripta sunt ne errem, & primum quod occurret referam, nam per meae schedae ordinem incedens nullum praeteribo unguentum, quoniam si ut in mentem uenerint referre uoluerim multa praeterire possem, quae menti non subirent, at omnia in hac scheda ita in ordinem redacta sunt, ut labella in meo sunt pharmacopolio disposita. BRAS. A primo igitur incipias ne in hoc ordine referendo tempus incassum coneratur.

S E N E X III.

Omnibus in mea charta descriptis unguentis rosaceum carceres aperit. BRAS. Neque ab re quoniam inter unguenta proprie numerari posset, nam suauem spirat odorem, at a quo authore illud accipis? SE. A Mesue. BRASA. Et hoc Mesue rosaceum apud omnes Italiae pharmacopolas in usu est. BRAS. Compositionem afferto. SE. Ita conficio ut Mesue ipse facit.

Recipe axungiae porcillae recentis quantitatem quam uolueris